

#### A Ny fahendrena ao amin'ny didy (Salamo 119).

- ❖ Ny didin'Andriamanitra no lohahevi-dehibe ny Salamo 119 araka izay voalaza ao amin'ny Teniny.
- ❖ Toy ny hita any amin'ny toko hafa ao amin'ny Baiboly, ity salamo ity dia mampitaha ny fiainana ho toy ny lalana izay diavrin'ny olona tsirairay. Mety hitondra ho any amin'ny fiainana mandrakizay io lalana io, na ho amin'ny fanamelohana mandrakizay. Ahoana no hifidianana ny lala-marina?
- ❖ Ny Teny no manazava ny lala-marina (Sal. 119:105); manadio azy (Sal. 119:9); mitarika ny diantsika (Sal. 119:133); ary miaro antsika amin'ny loza noho ny lalan-dratsy (Sal. 119:101).
- ❖ Ny miaina araka ny Teny dia tsy maintsy midika ho fitandremana ny didin'Andriamanitra (Sal. 119:4). Tsy haintsika ny manatateraka an'izany, nefo mahazo matoky isika, fa amin'ny fisaintsaina azy ireny miaraka amin'ny fanampian'Andriamanitra, dia hahazo fahendrena bebe kokoa hatrany isika ho tandremana sy hiaro antsika (Sal. 119:5-6).
- ❖ Tsy fitondran-tena ivelambelany fotsiny ny fitandremana ny didy, fa mahakasika ny fahavononan'ny saina sy ny fo (Sal. 119:7, 148).

#### B Ny niandohan'ny fahendrena (Salamo 90).

- ❖ Fohy ihany ny fiainantsika, toy ny zavona raha oharina amin'ny mandrakizay izay an'ny Mpamorona (Sal. 90:2, 4, 9).
- ❖ Mandritra izany fotoana fohy izany, dia miaina ao anatin'ny fahotana isika, eo ambanin'ny fahatezeran'Andriamanitra (Sal. 90:8-11). Nefo Andriamanitra manondraka ho antsika ny fahasoavany sy mahampoka antsika amin'ny famindram-pony (Sal. 90:13-14).
- ❖ Rehefa manaiky ho ampianarin'Andriamanitra isika, dia mianatra "manisa ny androntsika". Amin'izany no ahazoanntsika ny tena fahendrena, ka ovaina ho tahaka ny endrik'ilay Mpamorona antsika isika, Izy izay ianarantsika tahotra sy fanajana (Sal. 90:12, 16; 111:10).
- ❖ Ny fahazoana fahendrena dia mitarika antsika hibebaka aloha ary avy eo hanao ny asa tian'Andriamanitra hataontsika (Sal. 90:3, 17).

#### D Fahendrena anaty fitsapana (Salamos 95, 81 and 105).

##### ❖ Miatrika sedra tsy misy fahendrena:

- Naka fanahy an'Andriamanitra ny Israely tao Meriba: "noho ny nakany fanahy an'i Jehovah hoe: Eto aminay va Jehovah, sa tsia?" (Eks. 17:7). Saingy, ho an'Andriamanitra dia Izy no nizaha toetra ny Israely (Sal. 81:7).
- Tsy nahomby tamin'ny fitsapana ny Israely, fa niziriziry tamin'ny fikomiany, ka tsy maintsy nofaizina (Sal. 95:8-11). Na izany aza anefa, dia nomen'Andriamanitra azy ireo ny rano nangatahiny (Eks. 17:5-6).
- Raha hendry anefa izy ireo, dia ho nahomby tamin'ny fitsapana. Dia ho nanao fahagagana lehibe tamin'izy ireo Andriamanitra (Sal. 81:13-16).

##### ❖ Miatrika sedra misy fahendrena:

- Nogadraina tamin'ny vy i Josefa, nampijaliana sy nampahorianana. Saingy, nandray fanapanah-kevitra feno fahendrena izy: hanompo an'Andriamanitra na inona na inona toe-javatra misy (Sal. 105:16-18; Gen. 39:7-9).
- Rehefa nahomby tamin'ny fitsapana izy, dia nasandratr'Andriamanitra (Sal. 105:19-21). Niharihary tokoa ny fahendreny ka nasain'i Farao nampianatra ny loholona ny fahendrena nomen'Andriamanitra azy izy (Sal. 105:22). Tamin'ny alalan'i Josefa no nanomezan'Andriamanitra fiainana ny fianakavian'i Israely manontolo (Sal. 105:23).

## E Fampiharana ny fahendrena:

### ❖ Ny lalan'ny ratsy fanahy (Salamo 141).

- Ny Salamo 141 dia vavaka fangatahana amin'Andriamanitra hanafaka antsika amin'ny fakam-panahy avy ao anatiny sy avy any ivelany (Sal. 141:1-3, 9-10). Tsy afaka mandresy fakam-panahy amin'ny herin'ny tenantsika irery isika, satria ny fontsika mihitsy no maniry ota. Mila mivavaka tsy mitsahatra isika mba hahatohitra fakam-panahy.
- Maneho amintsika ny toetry ny fakam-panahy ny Salamo 141:4 sy 1:1:
  - (1) Mirona ho amin'ny ratsy ny fo
  - (2) Manota ilay olona
  - (3) Faly amin'ny ratsy izy
- Manoritsoritra ny toetry ny fakam-panahy izay mandroso miandalana, mamitaka ary feno hafetsena ny salamo. Ny fiankinana tanteraka amin'Andriamanitra ihany no antoka ho amin'ny fandresena (Sal. 141:8-10). Nefa, ny fandresena farany ny fahotana dia mbola amin'ny hoavy (Sal. 1:5-6).

### ❖ Ny fitahiana avy amin'ny fanaovan-tsoa (Salamo 1, 112 sy 128).

- Ny fiasan'ny fahendrena voalohany indrindra dia hitarika antsika ho amin'ny lala-marina, mifanaraka amin'ny sitrapon'Andriamanitra. Inona no fitahiana ho azontsika amin'ny fanarahana izany?
  - (1) Ho sambatra isika (Sal. 1:1; 112:1; 128:1).
  - (2) Hambinina ny asantsika (Sal. 1:3; 128:2).
  - (3) Hahery ny taranatsika (Sal. 112:2; 128:3).
  - (4) Hahazo zava-tsoa sy harena isika (Sal. 112:3).
  - (5) Handeha amin'ny fahazavan'Andriamanitra isika (Sal. 112:4).
  - (6) Hitantana am-pahitsina ny raharahantsika isika (Sal. 112:5).
  - (7) Tsy hangozohozo isika, fa hotsarovana (Sal. 112:6).
  - (8) Tsy hatahotra hahare vaovao ratsy isika (Sal. 112:7).
  - (9) Handresy ny fahavalontsika isika (Sal. 112:8).
  - (10) Hisandratra am-boninahitra isika (Sal. 112:9)
- Ny fifanandrinana misy eo amin'ny tsara sy ny ratsy amin'izao fotoana izao no manakana antsika tsy hisitraka ireo fitahiana rehetra ireo, na amin'ny ampahany fotsiny aza. Nefa, ho avy ny fotoana izay hahazoantsika fitahiana amin'ny fahafenoany, any amin'ny Fanjakan'Andriamanitra.